

մարի մը վրայ բարձր պալատ մը շատ լուսամուտներով. ըստ աւանդութեան, կ'ըսուի թէ հոս էր տունն այն մեծատան «որ ազանէր բեհեզս եւ ծիրանխոս» եւ անոր դրան դիմաց աղքատ Ղազարոսին տունը (Հան. էջ 223-224):

Քրիստոսի գետին ինկած այս տեղւոյն վրայ լատինները մատուռ մը շինած են ի յիշատակ Սիմոն Կիւրենացիին որ կը յիշատակուի Աւետարանին մէջ՝ իր որդւոց հետ (Մրկ. ԺԵ. 21):

5. Ս. Ասուածամնի քալկացման եկեղեցին. — Խաչի ճանապարհին վրայ, ըստ աւանդութեան, Յիսուսի և իր մօրը հանդիպած տեղւոյն վրայ հին դարերէ եկեղեցի մը շինուած է. վերջերս նոյն եկեղեցիին վերաշինութեան ժամանակ գտնուած է մողայիքէ յատակ մը՝ հին փողոցին հաւասարութեամբ. մողայիքը քառակուսի շրջանակ մըն է գեղեցիկ եզերքով մը, որուն կեդրոնը իրարու վրայ դրուած են երկու փոքր սանտալներ, որոնց ծայրերը կը նային դէպի հիւսիս-արեւմուտք: Այս մողայիքը որ է. դարէն առաջ է, ցոյց կուտայ այն աւանդական տեղը՝ ուր Ս. Կոյսը կեցած էր, երբ Յիսուս խաչը շալկած կը քալէր դէպի Գողգոթա, եւ նոյն պահուն, մայրը երբ նայեցաւ իր Որդւոյն՝ սրտովը վիրաւորուեցաւ: Հնախօսները կը կարծեն թէ մողայիքը հին է՝ ԺԲ. դարու հոս շինուած եկեղեցիէն, և ուղղութիւնն ալ քիչ մը տարբեր: Նիկողիմոսի անվաւեր աւետարանը ցոյց կուտայ Ս. Կոյսը տազնապի մը ենթակայ, երբ Յիսուսը խաչը հանելու կը տանէին: Ժամանակագիրներ և ուղեգիրներ կը յիշատակեն Ս. Կոյսի թալկացման այս եկեղեցին: Իսլամները այս եկեղեցին իր յա-